



বাজশাহী কৃষি উন্নয়ন ব্যংক

প্রধান কার্যালয়, রাজশাহী

পর্যদ সচিবালয়

বিষয়: পরিচালনা পর্যদের ৪৭৪তম সভার কার্যবিবরণীর নিশ্চিতকৃত অংশ প্রেরণ।


০৭.০৪.২০১৮ তারিখে অনুষ্ঠিত পরিচালনা পর্যদের ৪৭৪তম সভার কার্যবিবরণীতে গৃহীত সিদ্ধান্তের নিশ্চিতকৃত অংশ পরবর্তী প্রয়োজনীয় ব্যবস্থা গ্রহণের জন্য এতদসঙ্গে প্রেরণ করা হলো।

আলোচিত বিষয় নং : ১২

সংযুক্তি : ২ (দুই) পাতা

উপ-মহাব্যবস্থাপক
তথ্য ও যোগাযোগ প্রযুক্তি বিভাগ
রাকাব, প্রধান কার্যালয়
রাজশাহী

অভ্যন্তরীণ পত্র নং- প্রকা/পস-১(১)/২০১৭-২০১৮/৪১১


(মোঃ মোয়াজ্জেম হোসেন)
সচিব (অতিঃ দায়িত্ব)

তারিখ: ০৯.০৪.২০১৮



রাজশাহী কৃষি উন্নয়ন ব্যাংক

প্রধান কার্যালয়, রাজশাহী

পর্যদ সচিবালয়

০৭ এপ্রিল, ২০১৮ শনিবার সকাল ১১:০০টায় অনুষ্ঠিত পরিচালনা পর্যদের
৪৭৪তম সভার কার্যবিবরণীর নিশ্চিতকৃত অংশ

আলোচিত বিষয় নং-১২ রাজশাহী কৃষি উন্নয়ন ব্যাংকে CBS বাস্তবায়ন বিষয়ে ইনফিনিটি টেকনোলজি
ইন্টারন্যাশনাল লিমিটেড কর্তৃক দায়েরকৃত রীট পিটিশন নং-৫৮০/২০১৮


(সারসংক্ষেপ নং-পপ-২০১৮/১০০/১২; তথ্য ও যোগাযোগ প্রযুক্তি বিভাগ)

উপর্যুক্ত সারসংক্ষেপের মাধ্যমে পর্যদ অবহিত হয় যে, ১৫.১১.২০১৭ তারিখে অনুষ্ঠিত রাকাব, পরিচালনা পর্যদের ৪৬৫তম সভার সিদ্ধান্ত-১৪.১ অনুযায়ী ০৪.০১.২০১৮ তারিখে Core Banking Solution (CBS) ক্রয়ের লক্ষ্যে প্রাপ্ত দরপত্রসমূহ পাবলিক প্রকিওরমেন্ট বিধিমালা-২০০৮ অনুযায়ী মূল্যায়নের জন্য দরপত্র ও প্রস্তাব মূল্যায়ন কমিটির (TEC) সভা অনুষ্ঠিত হয়। উক্ত সভায় দরপত্র ও প্রস্তাব মূল্যায়ন কমিটির সদস্যগণ কর্তৃক Core Banking Solution (CBS) ক্রয়ের জন্য কারিগরি মূল্যায়নে Responsive দরদাতা প্রতিষ্ঠান নির্বাচন করা হয়। পরবর্তীতে ১৪.০১.২০১৮ তারিখে দরপত্র ও প্রস্তাব মূল্যায়ন (TEC) কমিটি কর্তৃক Financial প্রস্তাব উন্মুক্তকরণপূর্বক চূড়ান্ত মূল্যায়ন অন্তে সুপারিশ প্রণয়ন করা হয়।

ইতোমধ্যে রাজশাহী কৃষি উন্নয়ন ব্যাংকে শাখা ব্যাংকিং সফটওয়্যার সরবরাহকারী প্রতিষ্ঠান ইনফিনিটি টেকনোলজি ইন্টারন্যাশনাল লিমিটেড এর চেয়ারম্যান আবু সালেহ মোহাম্মদ জামাল উদ্দিন আহমেদ, লেভেল-৬, বিডিবিএল ভবন, ১২, কাওরান বাজার, ঢাকা ১৬.০১.২০১৮ তারিখে মহামান্য হাইকোর্ট ডিভিশনে পরিচালনা পর্যদের ১৪.১ নং সিদ্ধান্তের বিরুদ্ধে রীট পিটিশন দায়ের করে (নং-৫৮০/২০১৮)। ব্যাংকের পক্ষে মামলাটি পরিচালনার জন্য চুক্তিভিত্তিক সিনিয়র আইনজীবী জনাব মোঃ আব্দুস সামাদ, বার এট ল, সুপ্রিম কোর্ট অব বাংলাদেশ-কে নিয়োগ প্রদান করা হয়। নিয়োগকৃত আইনজীবী জনাব মোঃ আব্দুস সামাদ এর পরামর্শ অনুযায়ী আইসিটি বিষয়ক বিশেষ মামলা পরিচালনার ক্ষেত্রে তীর পাশাপাশি অতিরিক্ত আইনজীবী হিসেবে সুপ্রিম কোর্টের এটর্নি জেনারেল জনাব মাহবুবে আলমকে মনোনয়ন দেয়া হয়।

২৫.০১.২০১৮ তারিখে আপীলিয়েট ডিভিশনে মামলার শুনানী শেষে ৩১.০১.২০১৮ তারিখে Order প্রদান করা হয়। Order এ মামলার বিস্তারিত শুনানী, দরপত্রের বৈধতার মেয়াদ নির্ধারণ ও রীটের অন্যান্য বিষয়সমূহ বিবেচনা করে রায় প্রদানের জন্য মহামান্য হাইকোর্ট ডিভিশনকে দুই সপ্তাহের সময়সীমা বেঁধে দেয়া হয়। অতঃপর মহামান্য হাইকোর্ট ডিভিশনে মামলার শুনানীর দিন ধার্য করা হয়। মহামান্য হাইকোর্ট ডিভিশনে উক্ত আইসিটি বিষয়ক বিশেষ মামলা পরিচালনার ক্ষেত্রে নিয়োগকৃত আইনজীবী জনাব মোঃ আব্দুস সামাদ, বার এট ল, সুপ্রিম কোর্ট অব বাংলাদেশ এর পরামর্শ অনুযায়ী তীর পাশাপাশি অতিরিক্ত আইনজীবী হিসেবে জনাব রোকন উদ্দিন মাহমুদ, বার এট ল, সুপ্রিম কোর্ট অব বাংলাদেশ-কে মনোনয়ন দেয়া হয়। মামলাটি পরিচালনায় জন্য আলোচনার মাধ্যমে জনাব রোকন উদ্দিন মাহমুদের ফি ৫.৫০ লক্ষ টাকা নির্ধারিত হয়। ব্যাংক ব্যবস্থাপনার অনুমোদনক্রমে ০৪.০২.২০১৮ তারিখে ৫.০০ লক্ষ টাকা জনাব রোকন উদ্দিন মাহমুদকে অগ্রিম প্রদান করা হয়।

বিস্তারিত শুনানী শেষে ২৭.০২.২০১৮ তারিখে মহামান্য হাইকোর্ট ডিভিশন রায় প্রদান করেন। ব্যাংকের নিয়োগকৃত আইনজীবী জনাব মোঃ আব্দুস সামাদ, বার এট ল, সুপ্রিম কোর্ট অব বাংলাদেশ এর নিকট হতে প্রাপ্ত মহামান্য হাইকোর্ট ডিভিশনের রায়ের এ্যাডভোকেট কপি হতে জানা যায় যে, রাকাবে CBS ক্রয়ের জন্য ৩০.০৬.২০১৬ তারিখের আহবানকৃত পুনঃদরপত্র প্রক্রিয়াটি ‘পাবলিক প্রকিওরমেন্ট বিধিমালা-২০০৮’ এর “বিধি ২(৩০) “পণ্য” অর্থ কীচামাল, উৎপাদিত পণ্যদ্রব্য ও যন্ত্রপাতি এবং কঠিন, তরল বা বায়বীয় আকারে পণ্যদ্রব্য, বিদ্যুৎ, প্রস্তুতকৃত কম্পিউটার সফটওয়্যার ও অন্যান্য তথ্য প্রযুক্তিজাত অথবা সমজাতীয় সফটওয়্যার এবং পণ্য সংশ্লিষ্ট সেবা, যদি উহার মূল্য অপেক্ষা অধিক না হয়” অনুযায়ী পণ্য ও পণ্য সংশ্লিষ্ট সেবা হিসেবে দরপত্র আহবান করা হয়েছে যা সঠিক নয় কারণ Core Banking Solution সফটওয়্যার বুদ্ধি বৃত্তিক ও পেশাগত সেবার আওতাভুক্ত।



এক্ষেত্রে মহামান্য হাইকোর্ট ডিভিশনের নির্দেশ হলো রাকাবে অনলাইন ব্যাংকিং সফটওয়্যার ক্রয়ের জন্য ‘পাবলিক প্রকিওরমেন্ট আইন-২০০৬’ এর ধারা ৩৭ এবং ‘পাবলিক প্রকিওরমেন্ট বিধিমালা-২০০৮’ এর বিধি ১০৩ ও ১০৪ অনুযায়ী বুদ্ধিবৃত্তিক ও পেশাগত সেবার আওতায় নতুন করে দরপত্র আহবান করতে হবে। এছাড়া এ্যাডভোকেট কপি হতে জানা যায় যে, আইনজীবী কর্তৃক মহামান্য হাইকোর্ট ডিভিশনের রায়ের সার্টিফাইড কপির জন্য আবদেন করা হয়েছে যা প্রাপ্তির পর ব্যাংকের নিকট প্রেরণ করা হবে। ব্যাংক প্রয়োজনে এ বিষয়ে ৬০ দিনের মধ্যে সুপ্রিম কোর্টে আপীল করতে পারবে।

ব্যাংক ব্যবস্থাপনার অনুমোদনক্রমে ১৮.০৩.২০১৮ তারিখের পত্রের পরিপ্রেক্ষিতে ২২.০৩.২০১৮ তারিখে ব্যাংকের নিয়োগকৃত আইনজীবী জনাব মোঃ আব্দুস সামাদ, বার এট ল, সুপ্রিম কোর্ট অব বাংলাদেশ এর নিকট হতে মহামান্য হাইকোর্ট ডিভিশনের রায়ের বিষয়ে নিম্নোক্ত আইনগত মতামত পাওয়া গেছে:

“ক) মহামান্য হাইকোর্ট কর্তৃক প্রদত্ত ২৭/০২/২০১৮ তারিখের রায়ের বিরুদ্ধে মহামান্য সুপ্রিম কোর্টের আপীল বিভাগে আপীল দায়ের করা হলে আপীলের রায় ব্যাংকের আসার যথেষ্ট মেরিট রয়েছে। তবে উক্ত আপীল নিষ্পত্তিতে আনুমানিক কত সময় প্রয়োজন তা আমার পক্ষে বলা সম্ভবপর নয়। যেহেতু মহামান্য সুপ্রিম কোর্টের আপীল বিভাগে মামলা নিষ্পত্তির জন্য শুধুমাত্র ০১(এক) টি বেঞ্চ রয়েছে সেহেতু হাইকোর্টের উক্ত রায়ের বিরুদ্ধে আপীল দায়ের করা হলে, আপীল নিষ্পত্তি সময় সাপেক্ষ হতে পারে।

খ) মহামান্য হাই কোর্ট ডিভিশন কর্তৃক প্রদত্ত রায়ের পরিপ্রেক্ষিতে ব্যাংকের প্রয়োজনে অন্যান্য সফটওয়্যার যেমন: HR-payroll & PF, Inventory, Management Information System (MIS), Integrated Supervision System (ISS) ইত্যাদি ক্রয়ের ক্ষেত্রে ‘পাবলিক প্রকিওরমেন্ট বিধিমালা-২০০৮’ এর “বিধি ২(৩০) অনুযায়ী পণ্য ও পণ্য সংশ্লিষ্ট সেবা হিসেবে উন্মুক্ত দরপত্র পদ্ধতি অনুসরণ করা যাবে এবং তাতে মহামান্য হাইকোর্ট ডিভিশনের আদেশের লঙ্ঘন হবে না ”

উক্ত পরিস্থিতির পরিপ্রেক্ষিতে রাকাবে Core Banking Solution ক্রয়ের বিষয়টি দ্রুত পর্যালোচনার জন্য ০১-০৪-২০১৮ তারিখে ICT Steering কমিটির সভা আহবান করা হয়। উক্ত সভায় মহামান্য হাইকোর্ট ডিভিশনের রায়ের বিষয়ে প্রাপ্ত আইনগত মতামত বিস্তারিত আলোচনা ও পর্যালোচনান্তে কমিটি কর্তৃক নিম্নোক্ত সুপারিশ প্রণয়ন করা হয়:

“ক) মহামান্য হাইকোর্ট কর্তৃক প্রদত্ত ২৭/০২/২০১৮ তারিখের রায়ের বিরুদ্ধে মহামান্য সুপ্রিম কোর্টের আপীল বিভাগে আপীল দায়ের করা হলে আপীল নিষ্পত্তির বিষয়টি সময় সাপেক্ষ বিধায় মহামান্য হাইকোর্ট ডিভিশনের রায় অনুযায়ী রাকাবে অনলাইন ব্যাংকিং সফটওয়্যার ক্রয়ের জন্য ৩০.০৬.২০১৬ তারিখের প্রকা/আইসিটিবি-৬৫/২০১৫-২০১৬/১২২৯ নম্বর পত্র মূলে আহবানকৃত দরপত্রটি বাতিল করে ‘পাবলিক প্রকিওরমেন্ট আইন-২০০৬’ এর ধারা ৩৭ এবং ‘পাবলিক প্রকিওরমেন্ট বিধিমালা-২০০৮’ এর বিধি ১০৩ ও ১০৪ অনুযায়ী বুদ্ধি বৃত্তিক ও পেশাগত সেবার আওতায় নতুন করে দরপত্র আহবান করা যেতে পারে। বর্তমানে e-GP সিস্টেমে বুদ্ধি বৃত্তিক ও পেশাগত সেবা ক্রয়ের অপশন চালু না থাকায় ম্যানুয়েল পদ্ধতিতে দরপত্র আহবান করা যেতে পারে।

খ) ব্যাংকের প্রয়োজনে অন্যান্য সফটওয়্যার যেমন: HR-payroll & PF, Inventory, Management Information System (MIS), Integrated Supervision System (ISS) ইত্যাদি ক্রয়ের ক্ষেত্রে ‘পাবলিক প্রকিওরমেন্ট বিধিমালা-২০০৮’ এর “বিধি ২(৩০) অনুযায়ী পণ্য ও পণ্য সংশ্লিষ্ট সেবা হিসেবে এপ্রিল ২০১৮ এর মধ্যে e-GP সিস্টেমে উন্মুক্ত দরপত্র আহবান করা যেতে পারে। ”

রাকাবে CBS ক্রয়ের ক্ষেত্রে মহামান্য হাইকোর্টের নির্দেশ অনুযায়ী ‘পাবলিক প্রকিওরমেন্ট বিধিমালা-২০০৮’ এর বিধি ১০৩ ও ১০৪ অনুযায়ী বুদ্ধি বৃত্তিক ও পেশাগত সেবার আওতায় নতুন করে দরপত্র প্রক্রিয়া সম্পন্ন করতে কত সময় লাগবে এ বিষয়ে বাংলাদেশ ব্যাংকসহ বিভিন্ন রাষ্ট্রায়ত্ত্ব ব্যাংকসমূহে তথ্য সংগ্রহ করে জানা যায় যে, দরপত্র প্রক্রিয়া সম্পন্ন হতে আনুমানিক ৭-৮ মাস সময় লাগবে।

রাজশাহী কৃষি উন্নয়ন ব্যাংকে Core Banking Solution (CBS) সম্পর্কিত টেন্ডার ডকুমেন্ট প্রস্তুতিতে সহায়তা গ্রহণের নিমিত্তে পরিচালনা পর্ষদের ০৩.১২.২০১৪ তারিখে অনুষ্ঠিত ৪২১তম সভায় “CBS পরিগ্রহণ সংক্রান্ত কারিগরী উপদেষ্টা কমিটি” অনুমোদিত হয়। উক্ত কমিটির কয়েকজন সদস্য ইতোমধ্যে চাকুরী হতে অবসর গ্রহণ করায় কমিটি পুনর্গঠন করা প্রয়োজন। এমতাবস্থায়, মহামান্য হাইকোর্টের নির্দেশ অনুযায়ী ‘পাবলিক প্রকিওরমেন্ট বিধিমালা-২০০৮’ এর বিধি ১০৩ ও ১০৪ অনুযায়ী বুদ্ধি



বৃত্তিক ও পেশাগত সেবার আওতায় নতুন করে দরপত্র আহবানের প্রেক্ষাপটে উপরোক্ত “CBS পরিগ্রহণ সংক্রান্ত কারিগরী উপদেষ্টা কমিটি” নিম্নোক্তভাবে পুনর্গঠন করার সুপারিশ করা হয়েছে:

ক্রঃ নং	পদবী ও প্রতিষ্ঠানের নাম	কমিটিতে অবস্থান
১.	উপ-ব্যবস্থাপনা পরিচালক/মহাব্যবস্থাপক (প্রশাসন), রাকাব, প্রধান কার্যালয়, রাজশাহী।	সভাপতি
২.	ড. মো. খাদেমুল ইসলাম মোল্যা প্রফেসর, কম্পিউটার সায়েন্স এন্ড ইঞ্জিনিয়ারিং বিভাগ, রাজশাহী বিশ্ববিদ্যালয়, রাজশাহী	সদস্য
৩.	জনাব মোঃ রাফিউল ইসলাম মহাব্যবস্থাপক, উত্তরা ব্যাংক লিঃ, প্রধান কার্যালয়, ঢাকা	সদস্য
৪.	জনাব মোঃ নুরুল ইসলাম মজুমদার, উপ-মহাব্যবস্থাপক, ইনফরমেশন এন্ড কমিউনিকেশন টেকনোলজি বিভাগ-অপারেশন, জনতা ব্যাংক লিঃ, প্রধান কার্যালয়, ঢাকা	সদস্য
৫.	মোঃ মামুনুর রশিদ, উপ-মহাব্যবস্থাপক, আইসিটি বিভাগ, বাংলাদেশ কৃষি ব্যাংক, প্রধান কার্যালয়, ঢাকা।	সদস্য
৬.	জনাব মোঃ রাহাত উদ্দিন, সিনিয়র সিস্টেম এনালিস্ট (ডিজিএম), বাংলাদেশ ব্যাংক, মতিঝিল অফিস, ঢাকা।	সদস্য
৭.	জনাব মোঃ রহমতুল্লাহ সরকার সিনিয়র সিস্টেমস এনালিস্ট, কম্পিউটার বিভাগ, রূপালী ব্যাংক লিঃ, প্রধান কার্যালয়, ঢাকা।	সদস্য
৮.	উপ-মহাব্যবস্থাপক, আইসিটি বিভাগ, রাকাব, প্রধান কার্যালয়, রাজশাহী।	সদস্য
৯.	জনাব মোঃ মিজানুর রহমান সিনিয়র সিস্টেমস এনালিস্ট, বাংলাদেশ কম্পিউটার কাউন্সিল, প্রধান কার্যালয়, ঢাকা।	সদস্য
১০.	মোঃ আবুল কালাম, সহকারি মহাব্যবস্থাপক, আইসিটি বিভাগ, রাকাব, প্রধান কার্যালয়, রাজশাহী।	সদস্য- সচিব


কমিটির কার্যপরিধি:

ক) CBS সংক্রান্ত দরপত্র আহবানের জন্য টেন্ডার ডকুমেন্ট চূড়ান্তকরণে কারিগরী সহায়তা প্রদান।

খ) CBS সংগ্রহ ও বাস্তবায়নের বিভিন্ন পর্যায়ে ব্যাংক কর্তৃপক্ষের চাহিদানুযায়ী কারিগরী সহায়তা প্রদান।

এমতাবস্থায়, ব্যাংক ব্যবস্থাপনা কর্তৃপক্ষ রাজশাহী কৃষি উন্নয়ন ব্যাংকে CBS বাস্তবায়ন বিষয়ে সার্বিক তথ্যাদি পর্যদ সভায় উপস্থাপন করলে পর্যদ কর্তৃক নিম্নোক্ত সিদ্ধান্ত প্রদান করা হয়:

সিদ্ধান্ত-১২.১ রাজশাহী কৃষি উন্নয়ন ব্যাংকে CBS বাস্তবায়ন বিষয়ে ইনফিনিটি টেকনোলজি ইন্টারন্যাশনাল লিমিটেড কর্তৃক দায়েরকৃত রীট পিটিশন (রীট পিটিশন নং-৫৮০/২০১৮) এবং তদপ্রেক্ষিতে ব্যাংক কর্তৃক গৃহীত ব্যবস্থাদি পর্যদ অবহিত হলো। বিজ্ঞ আইনজীবীর মতামতের পরিপ্রেক্ষিতে ব্যাংকের ICT Steering Committee এর সিদ্ধান্ত মোতাবেক পরবর্তী প্রয়োজনীয় ব্যবস্থা গ্রহণ করতে হবে।



P.T.O

সিদ্ধান্ত-১২.২

ব্যাংক ব্যবস্থাপনার সুপারিশ বিস্তারিত পর্যালোচনান্তে রাজশাহী কৃষি উন্নয়ন ব্যাংকে “CBS পরিগ্রহণ সংক্রান্ত কারিগরি উপদেষ্টা কমিটি” নিম্নোক্তভাবে পুনর্গঠন করা হলো:

ICT data center, ২০১৩
২০১৩

ক্রঃ নং	পদবী ও প্রতিষ্ঠানের নাম	কমিটিতে অবস্থান
১.	উপ-ব্যবস্থাপনা পরিচালক/সংশ্লিষ্ট বিভাগের মহাব্যবস্থাপক, রাকাব, প্রধান কার্যালয়, রাজশাহী।	সভাপতি
২.	প্রফেসর ড. মো. নজরুল ইসলাম মন্ডল ইলেকট্রনিক এন্ড কম্পিউটার ইঞ্জিনিয়ারিং বিভাগ, রাজশাহী প্রকৌশল ও প্রযুক্তি বিশ্ববিদ্যালয়, রাজশাহী	সদস্য
৩.	প্রফেসর ড. মো. মামুনুর রশীদ তালুকদার এ্যাপ্লাইড ফিজিকস এন্ড ইলেকট্রনিক ইঞ্জিনিয়ারিং বিভাগ, রাজশাহী বিশ্ববিদ্যালয়, রাজশাহী।	সদস্য
৪.	জনাব মোঃ রাফিউল ইসলাম মহাব্যবস্থাপক, উত্তরা ব্যাংক লিঃ, প্রধান কার্যালয়, ঢাকা।	সদস্য
৫.	জনাব মোঃ নুরুল ইসলাম মজুমদার উপ-মহাব্যবস্থাপক, ইনফরমেশন এন্ড কমিউনিকেশন টেকনোলজি বিভাগ-অপারেশন, জনতা ব্যাংক লিঃ, প্রধান কার্যালয়, ঢাকা।	সদস্য
৬.	জনাব মোঃ মামুনুর রশিদ উপ-মহাব্যবস্থাপক, আইসিটি সিস্টেম, কার্ড এন্ড মোবাইল ব্যাংকিং বিভাগ, বাংলাদেশ কৃষি ব্যাংক, প্রধান কার্যালয়, ঢাকা।	সদস্য
৭.	জনাব মোঃ রাহাত উদ্দিন সিনিয়র সিস্টেম এনালিস্ট (ডিজিএম), বাংলাদেশ ব্যাংক, মতিঝিল অফিস, ঢাকা।	সদস্য
৮.	জনাব মোঃ রহমতুল্লাহ সরকার উপ-মহাব্যবস্থাপক, আইসিটি সিস্টেমস বিভাগ, রূপালী ব্যাংক লিঃ, প্রধান কার্যালয়, ঢাকা।	সদস্য
৯.	উপ-মহাব্যবস্থাপক, আইসিটি বিভাগ, রাকাব, প্রধান কার্যালয়, রাজশাহী।	সদস্য
১০.	জনাব মোঃ মিজানুর রহমান সিনিয়র সিস্টেমস এনালিস্ট, বাংলাদেশ কম্পিউটার কাউন্সিল, প্রধান কার্যালয়, ঢাকা।	সদস্য
১১.	মোঃ আবুল কালাম সহকারি মহাব্যবস্থাপক, আইসিটি বিভাগ, রাকাব, প্রধান কার্যালয়, রাজশাহী।	সদস্য- মুদ্রিত

সিদ্ধান্তটি নিশ্চিত করা হলো এবং ব্যাংক ব্যবস্থাপনা কর্তৃপক্ষ অবিলম্বে উপর্যুক্ত সিদ্ধান্ত বাস্তবায়নের ব্যবস্থা গ্রহণ করবে।

